

Headline **Guna teknologi tempatan - Muhyiddin**
Date **05 Mar 2011**
MediaTitle **Kosmo**
Section **Negara**
Journalist **N/A**
Frequency **Daily**
Circ / Read **115,967 / 406,000**

Language **Malay**
Page No **11**
Article Size **231 cm²**
Color **Full Color**
ADValue **2,008**
PRValue **6,024**



Guna teknologi tempatan – Muhyiddin

PUTRAJAYA – Tan Sri Muhyiddin Yassin menyeru syarikat-syarikat swasta dan agensi kerajaan agar menggunakan teknologi yang dibangunkan oleh pusat-pusat penyelidikan tempatan dalam perolehan teknologi mereka.

Timbalan Perdana Menteri berkata, hasil penyelidikan tempatan seperti MIMOS Berhad (MIMOS) dan Institut Standard dan Penyelidikan Perindustrian Malaysia (SIRIM) adalah bertaraf antarabangsa.

Beliau mengambil contoh syarikat tempatan iaitu Perfisio Solutions Sdn. Bhd., sebuah anak syarikat milik penuh Utusan Melayu (M) Bhd. berkeyakinan menggunakan teknologi yang dibangunkan oleh MIMOS.

“Saya berasa sukacita kerana Perfisio menggunakan teknologi tempatan,” katanya ketika berucap pada majlis pelancaran Tutor Intelligent Learning Management System (Tutor iLMS) iaitu projek kerjasama antara Perfisio Solutions, MIMOS dan Majlis Amanah Rakyat (Mara) di sini semalam.

Majlis turut menyaksikan pertukaran dokumen Perjanjian Perlesenan Teknologi antara Mara dan MIMOS.

Turut hadir ialah Timbalan Menteri Sains, Teknologi dan Inovasi, Datuk Fadillah Yusof; Ketua Setiausahaanya, Datuk Madinah Mohamad; Pengerusi Eksekutif

Kumpulan Utusan, Tan Sri Mohamed Hashim Ahmad Makaruddin dan Pengerusi Mara, Datuk Seri Idris Jusoh.

Hadir sama Pengerusi MIMOS, Datuk Suriah Abdul Rahman; Ketua Pengarah Mara, Ibrahim Ahmad; Pengarah Eksekutif Kumpulan Utusan, Datuk Mohd. Nasir Ali dan Ketua Pengarang Kumpulan Utusan, Datuk Aziz Ishak.

Sementara itu Mohamed Hashim berkata, Tutor iLMS berkemampuan melebarkan teknik pembelajaran bukan sahaja melalui nota dalam talian dan soalan latihan tubi.

Sebaliknya, ia menawarkan satu lagi pengalaman yang lebih menyeronokkan dalam bidang pembelajaran.



MUHYIDDIN (tengah) diberi penerangan mengenai Tutor iLMS sambil diperhatikan oleh Mohamed Hashim (kanan) dan Idris (dua dari kanan) di Putrajaya semalam.